

JAVNA USTANOVA „APOTEKE SARAJEVO“

Broj: 01-03-2621-1/19

Sarajevo, 30.12.2019 godine

Na osnovu člana 20a. stav 2. Zakona o radu Federacije BiH („Službene novine Federacije BiH“, broj: 26/16 i 89/18), člana 3. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“, broj: 9/19), dalje u tekstu kao „Uredba“, po dobijenoj saglasnosti Ministarstva zdravstva Kantona Sarajevo broj: 10-34 -30088/19 od 21.08.2019 godine, generalni direktor raspisuje

JAVNI OGLAS za prijem radnika u radni odnos

Raspisuje se javni oglas za prijem radnika na radna mjesta:

1. Magistar farmacije - 6 (šest) izvršilaca na određeno vrijeme od jedne godine

Mjesto obavljanja rada: Poslovne jedinice JU „Apoteke Sarajevo“ u Kantonu Sarajevo i Zeničko – dobojskom kantonu.

Radno vrijeme: 37,5 sati sedmično

OPIS POSLOVA I RADNIH ZADATAKA:

Magistar farmacije:

- učestvuje u procesima vezanim za usklađenost zaliha u organizacionoj jedinici sa zakonskim propisima i realnim potrebama, deficitarnost, kao i eventualni otpis artikala,
- učestvuje u kreiranju plana rada organizacione jedinice na godišnjem/kvartalnom/mjesečnom nivou, u skladu sa zahtjevom rukovodioca organizacione jedinice,
- prepoznaje i razumije dijagnozu pacijenta, preuzima odgovornost za njega i u cjelosti se fokusira na etičnost u svome radu imajući u vidu najbolje interese pacijenata,
- pravilno, precizno i prikladno vrši odabir oblika, doze i pakovanja lijekova, te uočava i procjenjuje važnost prevencije i interakcija lijekova sa drugim lijekovima, hranom ili bolešću,
- izrađuje lijekove prema načelima Dobre apotekarske prakse, te u skladu sa svim relevantnim lokalnim/globalnim smjernicama,
- precizno izdaje lijekove i druge lijekovite preparate i vrši provjeru ključnih parametara, te precizno informiše pacijenta o deficitarnim i nestandardiziranim lijekovima,
- uočava, dokumentira i rješava eventualne medikacijske greške koje mogu ugroziti pacijenta,

- primjenjuje smjernice i protokole u liječenju kroz upotrebu priručnika i literature – medicine temeljene na dokazima,
- informiše pacijente o lijekovima i savjetuje o sigurnoj i racionalnoj upotrebi lijekova (opasnost, posebna upozorenja, odlaganje),
- učestvuje u uspostavljanju sistema farmakovigilancije i održavanju sistema farmakovigilancije,
- aktivno učešće u procesu uspostavljanja sistema upravljanja farmaceutskim i medicinskim otpadom,
- upoznaje se sa medicinskim potrebama pacijenta, te odgovara za pružanje odgovarajućih i potrebnih informacija,
- kreira i predlaže preventivne programe koji su u funkciji unapređenja zdravlja pacijenata i zdravog načina života,
- podržava timski rad u organizacionoj jedinici imajući u vidu značaj očuvanja dobre komunikacije i pozitivne atmosfere u timu,
- osmišljava i sprovodi nove usluge i inovacije uz konsultacije sa direktno nadređenim,
- usklađuje sve akcije u redovnoj komunikaciji sa timom organizacione jedinice i uputama centralne nabavke i marketinga,
- odgovorno se odnosi prema sopstvenoj edukaciji i stalnom stručnom usavšavanju,
- poznaje i primjenjuje etička načela u farmaceutskoj praksi, te poštuje sva načela diskrecije i tajnosti podataka,
- odgovara za vlastite postupke i preuzimanje odgovornosti za posljedice za pacijenta,
- obavlja i druge poslove i svog djelokruga rada, po nalogu direktno nadređenog.

Radnik je obavezan da se u svom radu pridržava:

- odredaba Pravilnika o radu i drugih općih akata i odluka poslodavca
- projektovane i implementirane tehnologije rada u skladu sa međunarodnim standardima, kao što su:
 - ISO 9001, ISO 14001
 - ISO 22716, HACCP, HALAL, AKAZ

Iznos osnovne plaće: Prosjek za IV. Kvartal 2019. godine: 1605,50 KM.

Opšti i posebni uslovi:

- da je kandidat stariji od 18 godina života
- da je kandidat državljanin Bosne i Hercegovine
- da kandidat posjeduje opštu zdravstvenu sposobnost
- završen farmaceutski fakultet – VII stepen
- položen stručni ispit za zvanje magistar farmacije
- licenca za samostalan rad
- poznavanje rada na računaru

Sadržaj prijave:

- potpisana kraća biografija sa naznakom adrese i kontakt telefona
- rodni list

- uvjerenje o državljanstvu
- diploma o završenom farmaceutskom fakultetu
- uvjerenje o položenom stručnom ispitu za zvanje magistar farmacije
- licenca za samostalan rad
- dokaz o poznavanju rada na računaru
- ljekarsko uvjerenje o radnoj sposobnosti (dostavljaju kandidati koji budu izabrani u roku od 5 (pet) dana od dana prijema obavjesti o izboru).

Dokumenti koji čine prijavu dostavljaju se u ovjerenj kopiji. Datum ovjere kopije ne može biti stariji od 6 (šest) mjeseci od dana dostavljanja prijave. JU „Apoteke Sarajevo“ neće vršiti povrat zaprimljene dokumentacije.

2. Farmaceutski tehničar – 6 (šest) izvršilaca na određeno vrijeme od jedne godine

Mjesto obavljanja rada: Poslovne jedinice JU „Apoteke Sarajevo“ u Kantonu Sarajevo i Zeničko – dobojskom kantonu.

Radno vrijeme: 37,5 sati sedmično

OPIS POSLOVA I RADNIH ZADATAKA:

Farmaceutski tehničar:

- izdaje lijekove koji se po propisima mogu izdavati bez ljekarskog recepta, kao i druge robe iz djelatnosti poslodavca,
- izrađuje galenske i magistralne pripravke za spoljnu upotrebu, izuzev kapi i masti za oči, kao i preparata koji sadrže opojne droge, te supstance iz grupe “remedia separanda i claudenda”,
- učestvuje u izradi galenskih i magistralnih pripravaka koji sadrže supstance iz grupe “remedia separanda i claudenda”, pod nadzorom magistra farmacije,
- učestvuje u vođenju evidencije laboratorijskog rada i stručne administracije,
- učestvuje u obradi recepata,
- prepoznaje i razumije dijagnozu pacijenta, preuzima odgovornost za njega i u cijelosti se fokusira na etičnost u svome radu imajući u vidu najbolje interese pacijenata,
- uključuje se u kontinuiran profesionalni razvoj, procjenjuje vlastite potrebe za učenjem, razvija plan vlastite edukacije, traži i procjenjuje edukativne prilike za unaprijeđenje prakse, inkorporira učenje u praksu,
- saraduje i pokazuje poštivanje prema svim članovima profesionalnog tima, izrađuje ekspertize, čini ih dostupnim drugima, dijeli relevantne informacije, doprinosi postizanju zajedničkih ciljeva, podržava druge profesionalce i prihvata njihovu pomoć sa ciljem što boljeg ishoda za pacijenta,
- osigurava da je konačni proizvod izdat pacijentu tačan i kvalitetan,
- primjenjuje kompletno znanje o proizvodu, dozi i dozažnoj formi,
- osigurava integritet i stabilnost proizvoda pregledom roka trajanja, boje, mirisa, itd.,

- definiše pogodne uvjete za izradu preparata za vanjsku upotrebu (osim onih koje sadrže supstance jakog i vrlo jakog djelovanja, a što je odgovornost magistara farmacije), te opremu i procedure izrade,
- brine o lageru farmaceutskih roba i zaprimanju roba (rokovi, eventualna oštećenja pakovanja, neslaganja fizičkog stanja sa fakturom/otpremicom i slično) i brine o nefarmaceutskoj logistici (npr. lager kesica, administrativnog materijala i slično), a što evidentira i prijavljuje nadređenom magistru farmacije,
- stalno komunicira sa pacijentima pri izboru i upotrebi medicinskih sredstava, dijagnostičkih i kontrolnih aparata, te svih farmaceutskih proizvoda koji su zakonski dozvoljeni za izdavanje farmaceutskim tehničarima,
- aktivno učešće u procesu uspostavljanja sistema upravljanja farmaceutskim i medicinskim otpadom,
- aktivno učešće u sistemu farmakovigilancije,
- obavlja i druge poslove i svog djelokruga rada, po nalogu direktno nadređenog.
- za svoj rad odgovoran je rukovodiocu organizacione jedinice.

Radnik je obavezan da se u svom radu pridržava:

- odredaba Pravilnika o radu i drugih općih akata i odluka poslodavca
- projektovane i implementirane tehnologije rada u skladu sa međunarodnim standardima, kao što su:
 - ISO 9001, ISO 14001
 - ISO 22716, HACCP, HALAL, AKAZ

Iznos osnovne plaće: Prosjek za IV. Kvartal 2019. godine: 1014,00 KM.

Opšti i posebni uslovi:

- da je kandidat stariji od 18 godina života
- da je kandidat državljanin Bosne i Hercegovine
- da kandidat posjeduje opštu zdravstvenu sposobnost
- završena škola zdravstvenog usmjerenja - završne farmaceutski tehničar – IV stepen
- položen stručni ispit za zvanje farmaceutski tehničar
- licenca za samostalan rad

Sadržaj prijave:

- potpisana kraća biografija sa naznakom adrese i kontakt telefona
- rodni list
- uvjerenje o državljanstvu
- diploma o završenoj školi zdravstvenog usmjerenja – zvanje farmaceutski tehničar – IV stepen
- uvjerenje o položenom stručnom ispitu za zvanje farmaceutski tehničar
- licenca – odobrenje za samostalan rad

- ljekarsko uvjerenje o zdravstvenoj sposobnosti (dostavljaju kandidati koji budu izabrani u roku od 5 (pet) dana od dana prijema obavjesti o izboru).

Dokumenti koji čine prijavu dostavljaju se u ovjerenom kopiji. Datum ovjere kopije ne može biti stariji od 6 (šest) mjeseci od dana dostavljanja prijave. JU „Apoteke Sarajevo“ neće vršiti povrat zaprimljene dokumentacije.

Prilikom zapošljavanja biti će data prednost kandidatima koji po posebnom zakonu imaju prioritet u zapošljavanju pod jednakim uslovima. Prioritet u zapošljavanju kandidati dokazuju odgovarajućim dokumentima (potvrda, uvjerenje i sl.), koje prilažu prilikom prijave na javni oglas, pozivajući se na poseban zakon po kojem imaju prednost.

Podnošenje prijave

Prijave se dostavljaju lično ili poštom preporučeno na protokol JU „Apoteke Sarajevo“, u zatvorenoj koverti sa naznakom: „Prijava na javni oglas za prijem radnika u radni odnos *na poziciju (navesti poziciju na koju se kandidat prijavljuje)* – ne otvaraj“, na adresu:

JU „Apoteke Sarajevo“, ulica Kranjčevićeva 29, 71 000 Sarajevo.

Oglas ostaje otvoren 10 (deset) dana od dana objave u dnevnim novinama, a isti će biti objavljen u Dnevnim novinama „Oslobođenje“, na internet stranici JU „Služba za zapošljavanje Kantona Sarajevo“ i na internet stranici JU „Apoteke Sarajevo“.

Nepotpune i neblagovremene prijave neće se uzimati u razmatranje.

U slučaju da izabrani kandidat u ostavljenom roku ne dostavi ljekarsko uvjerenje o radnoj sposobnosti, prijava će se odbaciti kao nepotpuna.

Poziv za kandidate na pismeno i usmeno testiranje biti će objavljen na internet stranici JU „Apoteke Sarajevo“.

JAVNA USTANOVA „APOTEKE SARAJEVO“ sa sjedištem u Sarajevu, na adresi Kranjčevićeva broj 29.

Internet stranica JU „Apoteke Sarajevo“: www.apoteke-sarajevo.ba

Za dodatna obavještenja kontakt osoba je Samer Imamović, kontakt telefon 033 722 664, radnim danima u vremenu od 10:00 do 12:00.

JU „APOTEKE SARAJEVO“

Nedim Hrelja, mr.ph., MBA

Generalni direktor

